



PREZIDÉNSIA KONSELLU MINISTRUS

VI GOVERNUN KONSTITUSIONÁL

DÍLI, LORON 12 FULAN-MARSU TINAN 2016

KOMUNIKADU IMPRENSA

Sorumutuk Konsellu Ministrus nian iha loron 15 fulan-jullu tinan 2016

Konsellu Ministrus hala'o sorumutuk iha loron-sesta, iha Palásiu Governu, iha Dili, no aprova ona asinatura ba **Akordu-Kuadru kona-ba Kontribuisaun Finanseira Repúblika Demokrátika Timor-Leste nian ba Igreja Katólíka**. Akordu ne'e prevee katak kontribuisaun finanseira ne'ebé tinan-tinan Timor-Leste fó ba Igreja Katólíka, ba atividade sira ho karakter sosiál no edukativu no ba governu ekleziál nia objetivu sira, regula husi akordu spesífiku entre Governu no Konferénsia Episkopál Timor nian no depende ba disponibilidade finanseira Estadu nian. Atu fó hanoin fali katak regra sira kona-ba kontribuisaun finanseira ne'e prevee ona iha akordu entre Timor-Leste no Santa Sé iha fulan-agostu tinan kotuk.

Kona-ba nomeasaun membru sira husi Komisaun Nasionál Eleisaun (CNE-iha dalen português), ne'ebé hala'o hela, Governu tenke indika komisáriu ida husi komisáriu na'in hitu, tuir alterasaun daruak ba Lei n.^U 5/2006, loron 28 fulan-dezemburu. Konsellu Ministrus nomeia ona Odete Maria Belo ba komisária CNE nian no Teresinha Maria Noronha Cardoso ba komisária suplente no agora sei hato'o ba Parlamentu Nasionál kona-ba ninia desizaun.

Konsellu Ministrus analiza ona mós evolusaun husi projetu infraestrutura bázika boot rua, liuliu atu hadi'a no manutensaun **estrada Dili ba Tibar** no operasaun servisu manutensaun **Sentrál elétrika Hera no mós Betanu** nian. Ministériu Obras Públikas, Transporte no Komunikasaun nian apresenta ona **planu asaun ba prosesu selun (pagamentu) projetu** sira infraestrutura bázika esensiál nian.



Palácio do Governo,
Avenida Presidente Nicolau Lobato,
Dili, Timor-Leste

pcm.gov.tl@gmail.com
(+670) 33 310 608